

KONSOLIDASIYALASHGAN HISOBOTLARNI TUZISH USULI

8. Konsolidasiyalashgan moliyaviy hisobotlarni tayyorlash chog'ida bosh jamiyat va unga qarashli barcha sho'ba jamiyatlar moliyaviy hisobotlari aktivlarning bir xil moddalarini, majburiyatlarni, o'z mablag'i, daromadlari va xarajatlarini satrma-satr konsolidasiyalash yo'li bilan birlashtiriladi.

Konsolidasiyalashgan moliyaviy hisobotlar guruh to'g'risida yagona jamiyat sifatida moliyaviy axborotdan iborat bo'lishi uchun:

8.1. Quyidagilar chiqarib tashlanishi kerak:

har bir sho'ba jamiyatga bosh jamiyat investisiyalarining balans qiymati va bosh jamiyatning har bir shu'ba jamiyatning o'z sarmoyasidagi ulushi;

bosh va sho'ba jamiyatlar o'rtasida o'zaro hisob-kitob qilish schyotlari bo'yicha saldo;

daromadlar, xarajatlar, dividendlar bo'yicha guruh ichidagi operatsiyalar, shuningdek shu operatsiyalar natijasida vujudga keladigan amalga oshmagan foyda va zararlar, qoplanishi mumkin bo'lmagan zararlar bundan mustasno;

8.2. Sho'ba jamiyat sof daromadida kamchilik ishtirokining bosh jamiyatga tegishli sof daromad miqdorini aniqlash chog'ida guruhning daromadini kamaytiradigan ulushni aniqlash;

8.3. Sho'ba jamiyat sof aktivlaridagi kamchilik ulushini aniqlash va hisobot davri uchun konsolidasiyalashgan buxgalteriya balansida bosh

jamiyatning majburiyatlari va o'z sarmoyasini alohida ko'rsatish:

dastlab xarid qilingan paytda hisoblangan miqdor;
xarid qilingan paytdan boshlab o'z sarmoyasi harakatida kamchilik ulushining salmog'i.

9. Bosh jamiyatning, sho'ba jamiyatlarning bir hisobot davri uchun bir hisobot vaqtida tuzilgan moliyaviy hisobotlari hamda kamchilikning ulushlari konsolidasiyalashgan moliyaviy hisobotda birlashtiriladi.

Agar biror sho'ba jamiyatning moliyaviy hisoboti (masalan, O'zbekistondan tashqarida joylashgan sho'ba jamiyatning moliyaviy hisoboti) konsolidasiyalashgan moliyaviy hisobot tuzilgan hisobot davri uchun, lekin konsolidasiyalashgan moliyaviy hisobotning hisobot vaqtidan farq qiladigan hisobot sanasida tuzilgan bo'lsa, bunday sho'ba jamiyat o'sha hisobot vaqti uchun oraliq moliyaviy hisobot tuzadi.

Sho'ba jamiyat oraliq moliyaviy hisobot tuzish imkoniyatiga ega bo'lmasa, konsolidasiyalashgan moliyaviy hisobotga sho'ba jamiyatning boshqa hisobot davri uchun tuzilgan moliyaviy hisoboti ma'lumotlari, bu hisobotlarni tuzish o'rtasida o'tgan vaqt uch oydan oshmagan taqdirda, qo'shiladi.

Turli hisobot davrida tuzilgan moliyaviy hisobotlar jamlanayotganda shu sanalar o'rtasida yuz beradigan muhim operatsiyalar yoki boshqa voqealar natijasi hisoblangan o'zgartishlar kiritiladi.

10. Konsolidasiyalashgan moliyaviy hisobotlar o'xshash operatsiyalar va moliyaviy-xo'jalik faoliyatining boshqa voqealari uchun yagona hisob siyosatidan foydalanish asosida tayyorlanadi.

Guruh ishtirokchilaridan biri o'xshash operasiyalar bo'yicha konsolidasiyalashgan moliyaviy hisobot tuzish chog'ida qabul qilingan hisob siyosatidan farq qiladigan hisob siyosatidan foydalangan taqdirda, bu moliyaviy hisobotlarga konsolidasiyalash chog'ida tegishli o'zgartishlar kiritiladi. Agar konsolidasiyalashgan moliyaviy hisobotlarni tayyorlash chog'ida yagona hisob siyosatidan foydalanishning imkoniyati bo'lmasa, bu fakt konsolidasiyalashgan moliyaviy hisobotning turli hisob siyosati qo'llanilgan moddasi qismida ochib berilishi kerak.

11. Sho'ba jamiyatlar xo'jalik faoliyatining natijalari uni xarid qilgan vaqtdan boshlab konsolidasiyalashgan moliyaviy hisobotga qo'shiladi, xaridor sotib olgan sho'ba jamiyat ustidan nazorat qilishni o'z qo'liga olgan vaqt xarid qilingan vaqt hisoblanadi, nazorat qilish topshirilgan vaqt esa sho'ba jamiyat bosh jamiyatdan chiqarilgan vaqt hisoblanadi. Sho'ba jamiyat realizasiyasidan tushum bilan uning aktivlari balans qiymati o'rtasidagi tafovut realizasiya vaqtidagi majburiyatlar chiqarib tashlanib, moliyaviy natijalarning konsolidasiyalashgan hisobotida sho'ba jamiyat realizasiyasidan olingan foyda va zarar sifatida aks ettiriladi.

12. Jamiyatdagi investisiyalar kichik sho'ba qaram bo'lmagan va sho'ba jamiyat ta'rifiga mos kelmaydigan paytdan boshlab «Moliyaviy investisiyalarni hisobga olish» [BHMSiga](#) muvofiq hisobga olinishi lozim.

13. Kamchilikning ulushi konsolidasiyalashgan buxgalteriya balansida majburiyatlar va o'z sarmoyasidan

alohida ko'rsatilishi kerak. Guruhlar daromadida kamchilik ulushi ham alohida ko'rsatilishi lozim.